

# KA PACITOTAHT AWENAK KASKIHTAMASOWINA

## KAPACIHTAYAN KEKWĀ KAYAMIHYAN

### Kekwā oma kā apahcihtayan ta ayamihtayan?

Omaa *Misihowin Onasowewin* ekota itastew atihk kekwā ta wecihikowin ka pacihtotkāweyan ekwa ka wapahkeyan ta aymeyan onasowewinihk. Ewakoni oho ta wecihikowin tapiskoc:

- Awenkāk ka pacihtotacik ekwa okitapahkewak opimeta ta kih ohci ayamihwak **ta kitapamihcik Cikastepanicikanihk** ahpo wanawihimihk onasowewikamikohk ta akoayahcik **akwanahikan** ekosi mona katac ta wapamahcik anihi ka misimacik.
- Oskipimatsak ka pacihtotacik ekwa okitapahkewak aweniwa ta kih **sihtoskakwak** oma kā acimocik ekosi nawac ta peyahtahk itenihtahkwaw

Kotak mena kekwā ta kih apatahk oko ohci Oskipimatsak ka pacihtotacik ekwa okitapahkewak ta wecasinik nawac ta ayamihcik omaa tapiskoc:

- Awa **opekiskwestamakew ta kih nawasonaw** ka kihtwam ta kakwecimat aweniwa kespim aw kā misihot ayamestamasew.
- Eyawis ahpo atihk **inatoh ininiwak ta kih wanawetsahawak onasowewikamikohk** ohci kape ahpo pahkan ka onasowaniwahk ewakonik mena omaa awenkāk ka pacihtotacik ekwa okitapahkewak ahpo ta kih ayamihwak **e-akwanahikātek ita nāntaw kotak ekosesi eka ta wapamikocik awenkā**

### Ka pacihtotaht okaskihtamasowin!

Ma *Kanata Kapacihtotaht Okaskihtamasowin Onasowewin* kih sipwepaniw omaa Opaskwe Pesim 23, 2015. Ewako Onasowewin menikew kahkinaw kapacihtotaht, mena awenkāk, kaskihtamasowin ta kitenimihcik mena ta kispewatihcik eka nāntaw ta totawihcik. Ka pacihtotahcik kaskihtamasowak kekwā ta wecihikocik ta ayamihcik oma kā kih wapahkecik kekwā oma kā onasowaniwahk. Ewakoni kaskihtamasowina pahkan kaskihtamasowinta kitenimihcik.

### Awena awa ta kih kacihtinak kekwā tapacihtat?

Awenak ahpo okitahpahkew ta kih kakwecihmew oho ka misihkemonit onasowewa kekwā ekosesi ta wecihikot. Omaisekemew onasowew ta kih kakwecimew Onasowewikimawa ewakoni kekwā apahcihcikana emoye ahpo pikwespih ka wanasowaniwik. Ka pacihtotaht ahpo ka kih kitapahket ta kih kakwecimew Onasowewikimawa tipinawe ewakoni ohci ta wecihikot.

### Tansi awa onasowewikimaw ka isi kesinihtak omaa ta mekit kekwā ka wecihiwemkāhk?

Onasowewikimaw ta itenihtam:

- Ka ispihciset aw kā kitapahket;
- Tansi isi omaa pacihtotakewin;
- Itowah kekwā aw kā nitotamat; ahpo
- Kotkā kekwā, tapiskoc oko ininiwak inikohk ka nohte ma misihkemocik ahpo mena aw kā misihot katawa ta isi onasowatiht.



### Kekwāa ta wecihikowin tacimowin

Ka pacitotahcik ekwa okitapahkewak **capasis ayanāneosap ka tahto piponecik** ahpo eka katawa ka isayahcik ahpo ka maskisicik ekwa ekosi e-wecihtacik nawac ta acimocik. Ta wecihikocik **kekwā ta acimocik** nawac wihcihtawak ekwa ta menawak. Onasowewikimaw piko ta pakitinahk kekwā ekosesi ekosi piko kespín e-wanacikemkāninik an kā misihot ta kih tipitotaht okaskihtamasowin .

**Kotkāk kapacihortahcik ekwa aniki ka kitahpahkecik** ta kih menawak kekwā kespín oko Onasowewikimawak tapwihtamwak nawac ta wecasik ta acimocik mistahi mena nawac ta tapwecik eka ta sekisicik mena katawa ta isi onasowaniwik. Onasowewikimaw ta mitonihnihtam kekwā tāpiskoc ka tahto piponenit oho ka aciminit, kekwā oma kā pacihtocikātek, mena aniki ka itahkotocik ka kitahpahket asici ka pacihtotahk, kespín mena nitawihnihtakwan kekwā ta apatahk ta kitenimiht aw kā wih acimot. Ka kih misken kahkinaw kekwā ka miskocikātek ota piskihc ka masinahikātek 486.1 mena 486.2 omaa *Misihowin Onasowewin*.

### Ka nawasoniht opekiskwestamakew

Ka pacihtotahcik kaskihtamasowak katawa ta isi kitenimihcik eka nāntaw ta totahcik ahpo ta maci asotamahcik. Askaw mana, ta kih ihkihn aw kā pacihtotahk ka kitapahket asici kita kostew oho ka misimimiht esa ka pekiskwestamasonit onasowewinihk ekwa mkā ta kih ka kakwecimikot kekwā ka isi kiskisit. Kespín nitawihnihtakwan, Onasowewikimaw awa ta kih nawasonew otayamestamakewa nawac ta kakwecihkemonit kekwā.

**Kahkinaw ka wapahkecik, ewakonik men kā pacihtotahcik, capasis 18 piponecik ahpo pokani ka pacihitotaht ka kitotiht, ka moseskatepitiht, moseskatepitiht kekwā ohci e-akonamaht ahpo mistahi e-itaspinahtiht** ta kih kakwecimew Onasowewikimawa kita **nawasonānit opekiskwestamakewa ta kakwecihkemonit** omaa aw kā misihot ka pekiskwestamasot. Onasowewikimaw piko ekosi kita itwet kespín mona tapwihtam nāntaw ta isi pacihpaninik katawa ka isi onasowaniwahk aw kā misihot nawac ta kakwecimat oho ka kih kitahpahkenit.

**Kotkāk ka wapahkecik mena oko ka pacihtotahcik** ta kih kakwecimewak Onasowewikimawa ta nawasonānit opekiskwestamakewa ka kakwecimikocik kespín oti awa onasowewikimaw itenihtam ekosi ta isi kwayask acimocik ahpo ekosi nawac ta isi kwayask

onasowaniwahk. Onasowewikimaw ta nkātenitam kekwā tāpiskoc aw kā kitapahket e-tahto piponet, itowahk pacihtotakewin, mena e-isi wahkotocik oko ka wapahket mena an kā misihot kespín mena nitawihnihtakwan omaa ta itasowaniwahk ta kitenimiht aw kā acimot eka nāntaw ta pacihtotahk.

Kahkinaw kekwā ota piskihc masinahikatew 486.3 omaa *Misihowin Onasowewin*

### Exclusion Orders

Eyawis ahpo atiht **inatoh ininiwak ta kih wanawetsahawak onasowewikamikoht ohci** kape ahpo pahkan ka onasowaniwahk ewakonik mena omaa oskipimatsak ka pacihtotacik ekwa okitapahkewak ahpo ta kih ayamihwak **e-akwanahikātek ita nāntaw kotak ekosesi eka ta wapamikocik awenkā**. Omaa ekosi ka itasowet, Onasowewikimaw ka nkātenihtam kekwā tāpiskoc ta sihkiskaket ta misihkemonāniwahk omaa awenak ka pacihtotahk, ta mnkātokanihwahk aniki capasis 18 ka tahto piponecik, kespín mena nitawihnihtakwan ekosi ta itasowaniwahk kespín mena mona ta kaskihtaw aw kā wapahket ta acimot eka ekosi itasowaniki

Kahkinaw kekwā ota piskihc masinahikatew 486 omaa *Misihowin Onasowewin*.

### Awenak n kā misihot ta kih anwihtam ewakoni ka wecihiwamkāhki?

Omaa *Misihowin Onasowewin anima ka itastek ekosi* ta kitenimihcik oskipimatsak ka pacihtotahcik mena aniki ka wapahkecik ekosi mawac ta wihci acimocik mkā ta kistenihkewaw anihni ka misihonit okaskihtamasowininiwa. Onasowewikimawak, askaw, ta kih anwihtamwak ahpo ta nkāskahkwaw pahkan kapatahki oho kekwāa ka wecihikot awenak ta pekiskwet, ekosi mkā e-kitenihtamoht aw kā misihot okaskihtamasowinain katawa ta isi onasowatiht.

### Kekwāa kapatahki ci oho oskiyi kekwā?

Kekwāa kih pakitinikatewa omaa *Misihowin Onasowewin aspin 1988*. *Kih meskwatastewa ekospih 2015 pahkan omaa Canadian Victims Bill of Rights* ta kitenimikocik nawac katawa oko ka pacihtotahcik ahpo ka kitapahkecik.

.....

## Tanta awasime kiskihnihtamiwin ta miskikatew?

Kespin kena ahpo awenak e-kiskenimat kih peci pacitotawaw, ka kih wecihikawin. Kahkinaw tipahaskana mekiwak wecihiwewina oho ka peci pacitotamiht. Ka kih wecihikwak kespin awasime kih nohte kiskihneten ahpo wecihikowin kih nitonen. Ka Pacihtotahcik ka Masinahikasocik ka kih wecihikon ta miskawahcik ka pacihtotaht awenak wecihiwewak kisiwak e-ayacik kena ohci

<http://www.justice.gc.ca/eng/cj-jp/victims-victimes/vsd-rsv/index.html>

.....

© Kihci Okimāskew okaskihtamāsowina ota Kānata,  
ka isi nepawestamākot ohi Okimāwa ka Nekānenit  
Tipāskonikewinihk nesta Soniyān Okimāwa ohci Kanata, 2019

ISBN 978-0-660-30630-8  
Cat. No. J2-412/2-2015Rc3-PDF